





















DISPUTATIO JURIDICA

DE

PROBATIONIBUS  
& PRÆSUMPTIONIBUS.

QUAM  
FAVENTE DEO  
SUB PRÆSIDIO

*Viri Amplissimi ac Consultissimi*

D.D. PHILIPPI REINHARDI VITRIARI, U. J. D. ejusdemque in Illustri Academia Lugduno-Batava Professoris ordinarii.

*Publica censura exponit*

JOANNES GORDON, SCOTUS,

Auct. & Resp.

*Ad diem 14 Junii horâ locoque solitis.*



LUGDUNI BATAVORUM,  
Apud ABRAHAMUM ELZEVIER,  
Academiae Typograph. MDCCLXXXIV.



*Illustrissimis, nec non Generosissimis*

DOMINIS

D. GEORGIO GORDON,

totius Regni Scotiæ Cancellario Magno,  
Comiti Abredoniæ, Domino de Haddo,  
&c.

NEC NON

D. GEORGIO GORDON,

Marchioni de Huntly, Comiti de Enzie,  
Domino Gerdon, Badenoch, Strathdowne,  
&c. Nobilissimæ suæ familiæ & nominis  
Principi.

Hanc disputationem Juridicam  
humillime offert

JOAN. GORDON,

*Auct. & Resp.*







## DISPUTATIO JURIDICA

DE

# PROBATIONIBUS & PRÆSUMPTIONIBUS.

## CAPUT I.



Quantum utilitatis, commodi, & emolumenti, hæc probationum materia afferat, non opus est multis demonstrare: me enim tacente res ipsa loquitur, & quod per se laudatum est commendatione non indiget. Sufficiat in præsentiarum dixisse, neque jus, neque voluntatem defuncti, quicquam posse, ubi deficit probatio. *l. 30. ff. testam. tut.* eamque ob causam luci comparari, *l. ult. C. h. t.* lumenque veritatis appellari *l. 4. C. temp. & repar. appell.* Ad vocis ἐπιμοχρίαν quod attinet, num ab adverbio probe, quasi proba actio, ut videtur sentire *Mascardus quest. 3. vol. 1.* sive à probocum *Dm. comm. h. t.* dicatur? non est quod multum solliciti somus: pugna enim est de lana caprina. Vocis igitur ἐπιμοχρίαν primo loco discutendum proponimus. & apud Ciceronem constat

A 2

du-



duplicem significationem habere 1°. respectu nostri probamus  
 ea, quæ nobis placent, vel accepta habemus; quomodo proba-  
 tum vel approbatum opus dicitur quod ædificatum est ex senten-  
 tia locatarii, idque approbante Cicero his verbis, *probatio tua*  
*est, qui locas*, & in jure nostro dicuntur probati fidejussores l. 10.  
*ff. qui satisd. cog. l. 75. §. non solum de min.* probatum opus l. 36.  
*l. 38. & fin. ff. loc. cond.* probata facta testis, l. 7. §. 2. *ad L. ful.*  
*repet.* 2°. Respectu aliorum significat fidem alicui de re aliqua  
 facere: quomodo Cicero etiam dicit probare causam, factum, cri-  
 men, valetudinem, & imprimis judici de causa controversa ab  
 eo decidenda *arg. l. 12. l. 19. ff. h. t.* & sic late notat rei apud  
 judicem ostensionem *arg. l. 4. C. h. t. Mascard. de probat. vol. 1.*  
*quest. 2. num. 17. & seqq.* Quomodo jusjurandum, confessio, &  
 rei claræ ostensio, & probatio illa, quæ fit per deductionem  
 in rem præsentem *arg. l. 8. §. ult. ff. fin. reg.* & in hoc ultimo si-  
 gnificatu hic accipitur secundum ea quæ dicimus *cap. 2.* Præ-  
 sumptio, si probatio late accipiat, interdum est species proba-  
 tionis, & indicia certa quæ jure non rejiciuntur comprehendit; non  
 minorem probationis quam instrumentorum continent fidem  
*l. 19. C. r. vind. Vid. Bach. ad Wesemb. h. t. n. 14.* Si probatio strictè  
 accipiat, probatio & præsumptio sibi invicem opponuntur *h. t.*  
*Hahn ad Wesemb. d. l. n. 2. in fin.* & probatio per se, præsumptio  
 per ea quæ, certa sunt, fidem facit, *vid. Alciat. in tract. de præ-*  
*sumpt. & Mornac. ad l. 19. C. r. vind.* confer de varia hujus vocis  
 acceptione *Vnum. ad process. disp. 15. thes. 6. num. 31.* Ita consi-  
 derata vocis ipsius significatione quid sit probatio? quis pro-  
 bare debeat? cui probetur, quid probandum veniat, quando  
 facienda, & ejus effectus affinia, & contraria videbimus.

## C A P U T II.

**P**robatio apud DD. *vid. Goth. not. h. t.* varie definitur: & ab A-  
 zone: Quod sit rei dubiæ per argumenta ostensio. Quam defi-  
 nitionem sunt qui approbant, sunt itidem qui improbant ut in-  
 adequatam, quia non tantum argumentis, sed testibus etiam fides  
 fit, tum quod non modo rei dubiæ, sed etiam claræ ostensio sit.



Quibus objectionibus quidem respondere conatur *Wesemb. ff. h. t.*  
 Nihilominus tamen aliam paulo ampliorem statuere maluit. Quod  
 sit Actus judicialis & solennis, quo per instrumenta, aut testes, aut  
 idonea argumenta, judici de re controversa fides sit. Aliter ab Ec-  
 cholt, *h. t.* definitur, quod sit ostensio rei dubiæ apud judicem, quam  
 definitionem reprehendit *Wisenbach. & eam definit. quod sit*: Inten-  
 tionis suæ legitima fides, quam judici facit actor reus aut uterque.  
 Quibus dictis, inter omnes definitiones propositas nobis maxime  
 placet definitio *Wesembecii*; & rite hanc definitionem omne defini-  
 tum comprehendere asserimus: & hæc de definitione. Hic non  
 impertinens erit adjungere, quæ probationi sunt propria, atque  
 primo requiritur ut sit libello conformis 2. ut sit concludens (i. e.)  
 necessario id quod intendit inferat *l. pen. ff. h. t.* Ad probationem  
 servitutis *Glyconis* de qua in libello facta est mentio: matrem ejus  
 ac fratrem servilia fecisse ministeria non sufficit, per media enim  
 impertinentia non debet fieri probatio *l. 22. C. h. t. & ibi Brunm.*  
 Et si clausula ab Advocato sit adjecta salvo jure impertinentium  
 & non admittendorum: tamen reo est facultas excipiendi de im-  
 pertinentia probationis, & judici eandem rejiciendi, imo debet  
 hoc facere, *d. l. 22. C. de prob. Bachov. ad Treutler. vol. 2. disp. 4.*  
*thes. 5.* sic non sequitur pater est ingenuus, ergo & filius, cum  
 hic matris conditionem sequatur quoad natales *l. 28. C. lib. caus.*  
 ita ut vulgaris sit regula inter practicos, non probat ad esse, quod  
 contingit abesse, & probatio debet de necessitate concludere &  
 ex separatis nihil infertur: quæ tamen dupliciter limitantur. 1. Si  
 aliquid frequenter cum aliquo sit conjunctum, tum omnino va-  
 let argumentum licet interdum separari possint *ut in l. 17. h. t.*  
*et. 2º.* Si præsumptio sit una cum aliena conjuncta tunc onus  
 probandi contrarium in adversarium rejicitur *l. 16. ff. h. t. &*  
*hoc exemplo puellæ, ad quam juvenes solent diurno & nocturno*  
*tempore commeari facete declarat Brunm. ad l. 10. ff. h. t. dici-*  
*tur autem impertinens quæ nec per se nec cum aliis adminiculis*  
*ad causæ fidem facit. Præterea probationis proprium est, quod non*  
*sit dubia l. 10. C. h. t. probationes enim dubias & obscuras con-*  
*tra producentem interpretamur Gail. lib. 2. Obs. 12. Aliquando*  
*tamen admittuntur. 1. In illis quæ sunt difficilis probationis Gail.*  
*lib. 2. obs. 93. e. gr. in antiquis ubi secundum DD. lapis incisus probat*  
*in iis quæ occulte fieri solent; item, in iis, quæ in animo consistunt*



hæc tamen ita obtinent in civilibus in criminalibus enim requiruntur probationes luce meridianâ clariores *l. ult. C. h. t.* 2. Obscuras admittunt in defensione reorum. 3. In causis summariis vide *Struv. Syntagm. I. C. Exerc. 28. Th. m. j.* 4. Neque debet esse incerta neque superflua *l. 2. in fin. C. h. t. Paulus Castrenf. ad fin.* sui commentarii subjicit: aliud servari in foro admittitur illas nihilominus à juridicis, quorum arbitrio postea relinquitur ut vel insuper habeant quod probatum est vel admittant. Fit enim hoc sæpius *Mornac. ad l. 2. C. d. t.*

### C A P U T III.

Probationes varie DD. dividunt 1. In plenam & semiplenam *l. 3. ff. de jurejur. l. 3. C. de Reb. cred.* Plenam illam esse volunt quæ plenum fidem judici de re aliquâ facit: puta duo testes. An ad convincendum Imperatorem & summum Pontificem in causis civilibus sufficiant? (Nam in criminalibus non judicantur) vid. *Bach. ad Treut. vol. 2. Disp. 5. Th. 6.* Instrumenta publica; nam in *l. ult. C. de Fid. Instrum.* dicitur quod testes & instrumenta probationem indubitata & plenam faciant. huc etiam aliquando referunt confessionem, juris præsumptionem, demonstrationem ocularem, juramenta, & consimilia: hæc tamen magis ab onere probationis relevant quam probant sicut bene advertunt DD. Dissentit Echolt. & alii. Semiplenam probationem dicunt esse illam, quæ non plenam fidem sed opinionem quandam inducit: hæc secundum DD. fit. 4. modis 1. Uno teste 2. Scriptura privata & comparatione litterarum 3. *Fuga & 4. Fama. l. 3. §. 2. de Test.* Præcipue tamen prima & 2. talis dicitur, quæ proficit ad id, ut juramento suppletorio plena perfici possit, *arg. l. 9. C. de Test.* Si Testis unus sit exceptione major vel alia concurrant. Sic Mercatorum libri contignatis datis & acceptis adscripto die & expressa causa debendi ab integræ fidei homine moribus semiplene probant; & secundum quosdam morte comprobati plene *Mey. ad jus Lub. lib. 5. tit. 6. art. 4. n. 30.* Imo tribuitur omnibus rationibus legitime conscriptis, quod post mortem scribentis semiplenam inducant probationem, & hæredes ad juramentum credulitatis suppletorium admittantur *arg. l. 6. C. h. t. Struv. Syntagm. I. C. Exerc. 28. Th. 25.* si cum uno teste



teste concurrunt præsumptiones & causa sit Civilis etiam interdum plene probat: ut si sit impossibile vel saltem difficile plures testes habere. Si testis unicus sit publicus officialis *Hahn. ad Wesemb. de Test. n. 6.* Item si Notarius de Contractu super quo requisitus instrumentum fecit, testimonium perhibeat; Si enim extra officium suum deponat non habet vicem duorum Testium sed unius, nec ei creditur nisi jurato *Mey. p. 3. dec. 171. Brun. ad l. 12. Pand. de Test.* An Principis testimonium plene probeat? dissentint DD. Alii simpliciter affirmant *arg. l. 19. C. de Testam.* Alii simpliciter negant *arg. l. 9. C. de Test.* Alii distinguunt an Princeps testetur de re quam ipse solus faciendi jus habet *vide Cap. un. de Prob. in Clem.* Aut de actu coram se suscepto, quod tunc solus admittatur *l. 19. C. de Testam.* an tanquam accusator vel Testis in judicio consistat & quoniam hæc in re non Principis sed privati personam sustinet, assertio solius ad condemnationem non sufficit *Bach. ad Treut. Vol. 2. disp. 5. Th. 7. lit. A.* Sic accepimus de Francisci Primi testatione in accusatione illa memorabili qua Wilhelmus Poyetius Franciæ Cancellarius dignitate sua ignominiose motus est, atque exilio & gravissimis multarum irrogationibus multatus est. Cum enim inter Capita accusationis unum esset de quo solus Princeps sponte testatus fuerat blande tamen & obsequiose insuper habitum est illud testimonium, quia singulare erat: duobus enim ad minimum opus est, uniusque vox quantuscunque ille sit quasi nullius est: *et unde cum lis in testimoniis tota est vid. Mornac. ad l. 2. ff. de Test. de Summo Pontifice & Cardinalibus: Vide eundem. Papæ soli creditur, cujus tamen si aberrat memoria, excitanda obsequiose & ut ait Synodus Carthaginensis Canon. 133.* Si dicat Episcopus aliquem sibi soli crimen confessum & ille neget, ne existimet Episcopus id ad suam injuriam pertinere, quod ei soli fides non habeatur *vid. eundem Mornac. ad l. 8. C. h. & l. 2. ff. eod. junge Frantz. lib. 2. Resolut. 22. n. 17. Brun. ad l. 9. C. h. r.* Eam rursus in Gradus dividunt ut alia sit major Semiplena alia sit minor Semiplena. & hæc ad divisionem probationis in plenam & Semiplenam dixisse sufficiat. Altera divisio est quod omnis probatio sit vel artificialis vel Inartificialis ita Aristot. has duas divisiones Bach. in notis ad Wesemb. cogitat esse reconciliandas his verbis: neque vero divisio DD. in plenam & Semiplenam à divisione in artificialem

&



& Inartificialem aliena est sed omnino illius subdivisio: utique enim non ex omnibus testibus & Instrumentis fit probatio plena, & nonnulla argumentâ plenior, alia infirmior probacionem faciunt. Probationes artificiales sunt, quæ arte & industria probantis ex ipsa causâ ejusque circumstantiis deducuntur, sunt quæ vel necessariæ id est ex principiis physicis desumptæ & factio applicatæ & ab ista, probatio stricte sumpta distinguitur *Rubr. h.* Probationes Inartificiales sunt quæ ad faciendam fidem extrinsece assumuntur ut Instrumenta; Testes, & sic Rhetores secuti Donell. & Duaren. recte hoc modo diviserunt: ab his statuuntur plures divisiones & subdivisiones scil. Alia est probatio ordinaria seu Regularis alia extraordinaria seu irregularis; Præterea alia est probatio Simplex alia Violenta qua veritas per tormenta extorquetur *l. 8. & 9. d. de Quest.* Nec non in probationem in specie sic dictam quæ ad actorem pertinet & Reprobationem ad reum pertinentem. Adeoque his ita dictis de divisione, facile constat, quod probatio fiat vel per testes vel per Instrumenta: sed quia si aliquis generaliter solummodo loqueretur de probatione volumen ingens exstruere posset: materia de Testibus & fide Instrumentorum directe hujus loci non erit: solummodo de illis loquuturi, quando Naturaliter à subjecto pendent. præterea ad hoc caput referri posset: an experimentum per aquam frigidam, an sanguinis eruptio per nares vel vulnera occisi, præsentem eo qui de homicidio suspicatur, an Fuga; Tortura, Duellum; & similia sint legitimæ probationes? quæ omnia omittimus & saltem de probatione per aquam & eruptione sanguinis pauca addimus. Et quidem super probatione per aquam varie disputatum est: quidam expresse tradiderunt, eam pro saga habendam esse quæ in aquam projecta submergere non potest: cordati tamen ipsis passim contradixerunt: imo periculosum esse si quis ob tam fallax & incertum indicium statim pro mancipio diaboli habendus sit: *Meland. lib. 2. quest. 39.* in suo super hac proba confecto tractatu *Bocer. de quest. cap. 3. num. 101.* eleganter ostenderunt. Idem etiam de duelli indicio statuendum: casus talis probationis memorabilis est quem ex *Frossardi lib. 3. an. 1387. refert Bæclerus in com. in Grot. lib. 2. c. 1. §. 15. in fin.* Senatus Parisiensis permisit accusatori viro nobili adversus reum itidem nobilem stuprum violentum alterius conjugii pertinaciter negantem singulari  
certa-



certamine contendere ea conditione ut si reus vinceret uxor actoris flammis corpus actoris victi, patibuli ignominia puniretur. Sin reus duello succumberet corpus occisi à carnifice patibulo suspenderetur. Ac fuit quidem eventus iustæ causæ, reusque victus ignominia suspendii Notatus est. Sed hoc est tentare Deum & incerto eventui rem minime incertis rationibus definiendam permittere: quod vir gravis nunquam probaverit. Satiùs fuisset, vel absolvi reum quam causam totam in casum fortuitum dare. De sanguinis eruptione existimant quidam alii, quasi homicidium vero similiter probatum sit: si occisi cadaver in præsentia de homicidio suspecti sanguinem emittat. *Bocer. dec. 166. n. ij. Mascard. 1, præsump. 89. n. 128. & Cas. 276. n. 16.* rectius tamen est, si illam sanguinis eruptionem pro probatione dubia & incerta habeamus. *Heig. 2. quæst. 39. Bocer. de quæst. cap. 3. n. 27.* sanguinis enim illa effluxio aut naturalis est, aut præternaturalis: si illud ejus causa erit una & eadem, adeoque semper cadaver homicida præsentem, diffundit sanguinem: id quod non fit ut testat. *Thesaur. dec. 173. n. 2. Heig. dic. quæst. 39.* Sic cum excedat ingenium judicis ipsum de homicidia informare non potest; & sit nullam ex ea probationem admittere debet, cum ejus rationem reddere non possit: *l. 3. §. 1. de test. an autem sit indicium sufficiens ad toruram vid. Umm. disp. in process. 15. thes. 9. num. 54. justin.*

## C A P U T IV.

**A**d quæstionem, quis probare debeat? sive cui incumbat probatio? prænotabimus axioma hoc usitatum Viz. Affirmanti regulariter incumbit probatio; & negantis nulla est probatio secundum *l. 2. ff. b. t. l. 21. 15. 5. eo. add. l. 23. C. h. t.* nam naturaliter quod negatur probari nequit nam non entis nullæ sunt proprietates nullæ qualitates & differentię *L. ejus si certum pet.* Ideoque cum actor aliquid semper intendere solet semper probare debet *d. l. 21.* Reus vero non semper & non nisi excipiendo quid asserens ut si præsumptio contra eum militat *l. 25. b. t. l. 6. ff. don. int. vir. & uxor.* Et sic etiam excipiendo interdum

B



dum confiteri videtur v. g. Si alleget necessariam defensionem  
*l. 1. C. de probationibus Donell. lib. 25. Cap. 2.* Interdum in sum-  
 mariis causis; imprimis in remedio *Uti Possid.* Utrique parti in-  
 cumbit probatio ut lites abbrevientur ut *Bald. l. 9. C. de excep.*  
 ex qua etiam constat exceptionem non probari nisi antea actor  
 suam intentionem probaverit: Idem in judiciis mixtis, quia uter-  
 que actoris vices sustinet *Wesemb. ff. Reg. n. 7.* deinde causative ne-  
 cesse est ut licet neget tantum intentionem actoris & hæc ab  
 actore non sit probata, Reus tamen teneatur probare contrarium,  
 si velit non tantum absolvi sed etiam se dominum vel ingenuum  
 declarari *l. 14. ff. h. t.* Confer. *Brun. ad l. 2. & 5. ff. h. t. Vin. Se-*  
*lect. Quest. lib. 2. Quest. 12.* Negatio non tam figura verborum  
 quam vi & potestate æstimanda, nam multi videntur negare qui re-  
 vera affirmant. Et in exceptionibus Reus est actor *l. 1. de Except.*  
*l. 19. d. h. l. 1. C. eodem.* nisi forte Exceptio sit inere negativa,  
 veluti non numeratæ pecuniæ; quamvis & hoc sit ex jure singu-  
 lari. His dictis utile erit observare distinctionem triplicem pro-  
 positionis hujus negativæ scil. Facti, juris, & qualitatis. Nega-  
 tiva Facti probari potest si negans seipsum eodem instante tem-  
 poris illic non fuisse dixerit (Si de furto quaeritur) quo furtum  
 factum est negativa juris ab eo probanda est qui in ea se fun-  
 dat ut si quis neget Emptionem; & venditionem, locationem,  
 & conductionem aut alia legitime confecta esse, illud pro-  
 bare debet *l. 11. C. h.* quia omnia præsumuntur legitime & se-  
 cundum juris dispositionem facta esse, donec contrarium pro-  
 betur. *l. 1. §. 1. h.* Negativa qualitatis est si negetur in re vel  
 persona qualitas requisita, puta si negatur aliquem solvendo  
 esse; vel idoneum ad aliquod munus amplectendum. In hoc  
 capite etiam Jurè se offert quaestio hæc, an possessor probare  
 teneatur? quod absolute negamus, nisi raro, *l. 9. ff. d. R. V.* & in  
 rebus Incorporalibus §. 2. *l. act.* ita limitant tamen hanc sen-  
 tentiam, ut si contra possidentem sit jus commune, & præsum-  
 tio juris, possessori etiam injungi possit probatio e. g. si quis sit  
 in possessione vel quasi possessione juris venandi feras majores  
 ex moribus non relevatur ab onere probandi *Carp. par. 1. Const.*  
*169. def. 23.* idem ubi possessio rei est contra naturam rei ori-  
 ginalem, possessio non relevat ab onere probandi, e. g. Eccle-  
 siasticam.



siastica res non præsumitur; ideo alicui rem ut Ecclesiasticam possidenti, injungenda probatio. Et Clericus titulum suæ possessionis edere tenetur *cap. 3. de off. ordin.* In 6. Vassalus titulum feudi *Carpz. parte 1. Iur. prud. Consisto. Constit. 27. Conf. etiam l. 14. h. t.*

## C A P I T U L U M V.

**P**robandum est judici non adversario, *l. 12. in fin. d. h. l. 2. de edendo. l. 1. C. de Con. ob. turp.* nam si adversario fides facienda esset in infinitum abiret lis, nunquam fides fieret adversario & ut *Olden. de probat. Rub.* quid sit probatio, recte dicit, si maxime quis ipsum solem pro ostendenda veritate in manibus gereret. Et sit judici fides, simulac probans legitimis probationum generibus usus est: ut tamen judex arbitretur quid & quantum probationi factæ tribuere debeat *l. 3. §. 1. de Test.* quo sensu probationes dicunt arbitrarias. Hic nobilis istius questionis, an judex debeat judicare secundum conscientiam an secundum acta & probata? breviter mentio est facienda. Alii, si propriæ & indubitatae notitiæ judicis acta sint contraria ipsum secundum suam conscientiam, & non secundum acta & probata judicare debere affirmant, 1°. Quia judex secundum veritatem judicare debet *l. 13. in fin. C. de sentent. & Inter. l. 14. in principio C. de jud. Auth. qui semel C. quomodo & quando judex;* & vero veritas una est: ita ut Decantatum illud judicem habere conscientiam ut judex ex actis, vel ut privatus ex ipsa re sit falsum. 2°. Quia ad hoc juramento astringitur. *d. l. 14. in princ. C. de jud. & de jure novo secundum id quod sibi ipsi fuerit justius & melius authentica sed hodie C. eodem.* 3°. Quia acta & testificata non simpliciter in judicio valent sed ubi à judice fuerunt admissa atque comprobata *l. 3. §. 3. & l. 13. de Test.* 5°. Quia judex testibus clare & plene probantibus ex causa fidem denegare potest *Bartolus in l. 21. de his qui not. Infam. at*

B 2

quæ



quæ major potest esse causa quam si indubitato iudex sciat testimonio esse falsa. Alii nihilominus secundum acta & probata judicare debere statuunt. *de quibus Struv. in Synagm. J. C. ex 44. thes. 5. de responsionibus ad eorum objectiones, imprimis l. 6. §. Veritas. ff. de off. præf. Frantz. lib. 2. resol. 22.*

## C A P U T V I.

**I**n hoc Capite discutiendum venit, quod probandum sit? & quidem secundum *l. 16. C. b.* Statuimus quod non jus sed factum probari debeat, & quidem factum illud quod dubium est, nam quod notorium est probatione non eget *l. 11. §. Empiorem de act. Empt. & vend. l. 1. §. 12. de oblig. & act. Sichard. ad Rubr. C. de probat.* esse quosdam refert qui etiam rei certæ & evidenti probationem constituent: sed merito hoc ipsi improbatur per cap. 3. *extra de Test.* & quæ notoria sunt allegantur tantum DD. vulgo. Quatenus tamen hæc evidentiæ & notorietas negatur probanda est, facile enim fieri potest, ut rei veritas plerisque perspecta sit, atque ita pro evidenti & notorio habeatur; quod tamen interim quidam sint qui eam nesciant vel saltem in dubium vocent *vid. Umm. Dict. Disp. ad process. 15. Th. 3. n. 15. Wesenb. & alii &c.* ideoque non male statuitur factum quasi objectum probationis *l. 9. C. de Collat. & 13. §. 2. de pub. in rem act.* Facta enim plerumque sunt dubia incerta & occulta jus autem certum & finitum est *l. 2. D. de jur. & pact. ignor.* De jure ipso nunquam disceptatur. Hoc tamen in casu *l. 5. ff. t. probandum esse alii volunt quos vide apud allegatum Umm. dic. disp. 15. th. 5. num. 17.* A quibus cum Duaren. DD. dissentiunt. Neque hoc probatur *ex l. 5. h. t.* quam pro se allegant quia hic nonnegatum est jus ipsum sed primario quod pars adversa non habuerit illam facultatem Testamenti facienda, donandi &c. quam alias regulariter quis censetur habere: & vocabulum jus non significat legem sed potestatem à lege concessam & sic directo probandum est factum concessum.



fionis, per consequentiam lex specialiter de hoc lata *vid.*  
*Bachov. ad Wesenb. & Hahn. num. 6.* Consuetudo introducta  
 itidem non probatur sed introducenda; idem accidit interdum  
 in statutis *Struv. Syntagm. Jur. Disputat. 28. Thes. 8. in fin.*  
 Si jus non omnino sit certum sed DD. diversis opinionibus  
 dubium reddatur? quid si admitterentur casus pro amico?  
 quid si ipse iudex de iure dubitaret? *vid. l. 79. §. 1. de jud.*  
 Omnibus his casibus juris veram probationem non  
 dari statuimus: quæcunque enim ejus probatio est, est ex  
 ipsis legibus, & non tam est probatio legis quam legis al-  
 legatio; & non est legis probatio sed applicationis quam nos  
 facimus *Mench de præsumpt. l. 1. num. 4.* & simulac de hac  
 dubitatur incidit in quæstionem facti *vid. Bach. in Treut. vol. 2.*  
*Disput. 4. Th. 1.* & sic recte æstimant plurimi DD. quos se-  
 quimur.

## CAPUT VII.

**P**rocul dubio conveniens est, quod lite pendente fiat proba-  
 tio: hoc est dicendum, antequam sententia decisoria lata  
 fuerit, jure enim communi terminus probandi arbitrarius  
 est & à iudice assignandus *Auth. sed & si quis C. de Testam.*  
 sive ante sive post litem contestatam fiat, nam & ante  
 & post eam probari potest: ut in examinationibus quæ fiunt  
 ad æternam rei memoriam dic. *Auth. C. de Testam.* & permo-  
 dum simplicis inquisitionis *cap. 5. §. sunt & alii Extra.* ut lite  
 non contestat: secundo ubi ex conventionem circa solemnem  
 ordinem litigatores pro credunt *l. 3. C. de privileg. Schol.* quibus  
 addi poterit tertio de probanda exceptione dillatoria, & ex-  
 ceptione peremptoria privilegiata, *l. penult. & ult. C. de*  
*Except. Hahn. ad Wesenb. num. 9.* ubi quod *Bachov. de instrumentis*  
*notat. rejicit ex Cujac 18. obs. 34.* nam si hoc non esset, lites  
 essent perpetuæ quod Reipubl. incommodum adduceret,

B 3



nonominus tamen admittuntur probationes post sententiam  
latam si instrumenta ignota vel nova sint inventa vel si testes  
liqui produci possunt antea ignoti.

## CAPUT VIII

In quo proponimus discutere probationis effectum, qui est  
quod veritate rei ex idonea & fide digna probatione per-  
specta, iudex sententiam certam ferre possit & litem diri-  
mere *l. 14. D. h. l. 2. C. de Edendo l. 3. §. 2. de Testam.*  
hicque si limites Methodi nostræ non excederet & prolixita-  
tem tali occasione ineptam non induceret, de habilitate vel inha-  
bilitate testium longe discurrere possemus, quibusque  
præ cæteris fides adhibenda sit: sed ob rationes prædictas  
sufficit hic notare quod magis fides indubio testibus rei, quam  
actoris adhibenda sit, *arg. cap. literis extra de Testam.*  
testibus oculatis quam auritis: qui tamen aliquando admittun-  
tur quando supra memoria rei, utrum hominum memoria fa-  
ctum sit vel non factum sit, testes sunt examinandi; hinc quan-  
do Immemorialis præscriptio probanda, testes deponunt, quod  
nec ipsi aliter viderint neque à parentibus aliter audiverint,  
neque memoria hominum aliter referat: & licet Seneca hos te-  
stes vocet secundæ notæ tamen ab antiquis adhibiti sunt: im-  
mo interdum isti qui se credere vel arbitrari dicunt *Cujac. lib. 3.*  
*obs. 26.* æque etiam fides major pluribus quam paucioribus si  
eiusdem honestatis & famæ sint adhibenda, affirmantibus  
quam negantibus: dignioribus quam humilioribus, senio-  
ribus quam junioribus, masculisque quam fæminis sed hoc fal-  
lere putat *Tiraq. de Nobil. c. 20.* cum fæminæ: sint nobiles ma-  
sculi vero ignobiles, rectius tamen *Anton. Matth. judicis pru-*  
*dentia relinquit, Sernv. in Synt. J. C. exer. 28. thes. 49. in*  
*fin. l. 3. l. 21. §. 2. b. l. ult. C. de fid. Instit.* circa quæstiones  
& dubia ad subiectum pertinentia hic mihi non erunt multa di-  
cen-



enda, sed paucula ad materiam præsumptionum dicturus  
sum. Præsumptio enim est probabilis conjectura ex certo signo  
proveniens quæ alio non adducto pro veritate habetur. Quæ de-  
finitione tradita: eam dividimus primo, in præsumptionem ho-  
minis secundo, juris tertio Jure & de jure. Præsumptio hominis  
est verisimilis aliqua conjectura sed quæ sine aliis adminiculis fi-  
dem solide non facit *l. 5. & 6. C. h.* quandoque igitur contra  
reum militat præsumptio statim illi injungitur probatio *l. 5. §. 6. de re milit.* Alii præsumptionem hominis subdistingunt, in  
Temerariam, probabilem, & necessariam sive vehementem,  
violentam & apertam. Quam sub distinctionem merito ut ju-  
re incognitam omittimus. Indicia autem ex quibus præsumptio  
sumitur recte possunt dividi in necessaria; verisimilia seu proba-  
bilia, & levia seu dubia & incerta. Ad indubitata referunt,  
si quis nudus cum alterius uxore nuda in lecto repertus sit, quod  
sit adulter *C. literis 12. de præsumpt.* quo non refertur osculum aut  
Papillarum facta contrectatio. Aliud exemplum est in *l. 6. his  
qui sui vel alieni juris sint.* Marito mortuo si uxor post mensem  
undecimum completum pariat *N. 39. cap. 1.* præsumitur quod post  
mortem mariti cum alio concubauerit. An huc referri debeat? Vir-  
ginem non esse quæ in mammis lac habeat. consule Medicos:  
An si navis in qua vehebatur maritus interiit præsumatur mor-  
tuus *confer. cap. quoniam frequenter §. si autem juxta Gl. X.* ut lite  
non contestata *Brun ad l. 7. C. de Repud.* Ad probabilia refe-  
runtur ea de quibus dicemus quando de præsumptione juris age-  
mus: huc etiam refertur quod quælibet res præsumatur libera &  
servituti non obnoxia *l. 3. & 9. C. de servitut. & aqua* sic de  
territorio præsumitur esse, quod intra territorii fines situm est  
*l. 1. §. de off. præf. urb. l. pupull. §. Territor. de verborum signif.*  
Ad dubia refertur, qualis Pater, talis Filiis: præsumitur enim  
Patri filius similis *accurs. in l. quod si nolit. §. mancipia de adilit.*  
*edict.* levis enim hæc est præsumptio: Et Heroum filii noxæ  
& à pessimis parentibus optimi sæpe liberi nascuntur; *Con-  
fer. l. 10. C. h.* An hæc præsumptio sufficiat in Crimine  
Læse Majestatis ad puniendos liberos inquit *Grotius lib.  
2. cap. 21. §. 13. de Jur. Bell. & Pac.* Ziegler. atque alii:  
In notis ad dictum locum. Præsumptio juris est quæ lege

ex



ex probabilibus rationibus civilibus circa negotium ali-  
 quod inducitur, ac ita inductum, pro veritate habetur usque  
 dum probationibus vel præsumptionibus in contrarium legi-  
 time elidatur. Rationes istæ ex tribus sumuntur regulis.  
 prima est, illud semper præsumitur adesse quod natura aut  
 lege requiritur, E. G. Parentes præsumuntur amare liberos &  
 illis optime consulere, l. 7. C. de Curat. furios. l. 3. §. 1. de  
 Administ. Tutor. etiam in minoribus præsumitur inconsulta igno-  
 rantia l. 3. ad S. C. Maced. & tot. tit. de min. æque in sen-  
 tibus prudentia præsumitur, in mulieribus timiditas, imbe-  
 cillitas, & Avaritia sæpissime. l. 33. §. 1. in fin. de donat.  
 inter virum & uxorem. l. 2. ad S. C. Vellian. l. 4. C. de nupt.  
 In omni homine sensus communis Religio & potentia gene-  
 randi l. 14. C. de Testam. l. ult. C. ad legem, jul. repet. l. 6. in  
 fin. de his qui sui vel. secundo præsumptio est, quod non sit muta-  
 tio sed res præsumuntur in eodem statu manere l. 22. h. quo  
 pertinet quod qui semel malus semper malus esse æstimatur  
 &c. Tertia præsumptio est, quod debet fieri in meliorem par-  
 tem, quo spectat quod quilibet in statu civili bonus præsump-  
 tur l. 51. d. pro socio. Membrum tertium divisionis est præsump-  
 tio Juris & de jure, juris quia jure introducta est, de jure quia  
 de tali præsumptione lex inducit firmum jus & eam proverita-  
 te habet ita ut non admittat probationem in contrarium l. 23.  
 C. ad S. C. Vellian. l. fin. D. ad S. C. Maced. confessione tamen  
 judiciali & notoria veritate ipsiusque rei evidentia hæc quoque  
 infringitur. Affinis præsumptioni est Fictio: quæ est legis adver-  
 sus veritatem in re possibili ex justa causa dispositio. Differunt  
 tamen hæc duo primo materia, quod Fictio fit adversus verita-  
 tem, præsumptio in veritate aut verisimile & incertum præsu-  
 mit, secundo forma differunt nam Fictio legis est definitio præ-  
 sumptio tantum legis est opinio. Tertio differunt effectu ita il-  
 la valet ut legis definitio & adversum probare non licet. Hæc  
 tantum ut probatio, ideo contra eam probari potest, exce-  
 pta præsumptione juris & de jure quæ pœne in Fictionem ca-  
 dit nisi quod ea sit contra veritatem, hæc secundum veritatem,  
 aut illud quod verisimile est. Fictio vero est vel affirmativa &  
 positiva pr. J. de excus. tut. vel negativa & privativa §. 5. J. de  
 act.



ad. vel Translativa primo à persona in personam l. 1. §. 12. de  
vi & vi armata 2do de re ad rem ut in fictione brevis ma-  
nus l. 1. C. de donat. Tertio, de loco ad locum ut præsens  
pro absente habeatur quarto, de tempore ad tempus ut in  
postliminio & L. Cornelia; quod hæres statim à morte  
testatoris præsumatur adiisse hæreditatem: Alii faciunt duns  
species Fictionis scil: Legis Corneliæ & postliminii Azo e-  
jus species ad decem prædicamenta revocavit: nos sequimur  
veram & communem opinionem. Fictiones fieri possunt ab  
impossibili v. g. quod in utero, etiam ante quam partus vi-  
talis est, pro nato hebeatur l. 26. de statu hominum quia  
ratio Fictionis non sumitur à possibilitate, sed ab æquita-  
te naturali; & licet natura rerum à Fictione mutari non  
possit; effectus tamen à jure mutantur Hahn. ad Wesenb. de  
probat. num. 15. in fin Contraria præsumptioni & probatio-  
ni sunt probatio veritatis in contrarium, reique impossibilitas  
& absurditas.



# COROLLARIA.

I.

*Supremus Magistratus legibus civili-  
bus solutus est.*

I I.

*Jus naturale divinum & humanum  
Majestati potestatem tribuit non mi-  
nus circa sacra quam politica.*

I I I.

*Leges humanæ subditos obligant quoad  
conscientiam.*

I V.

*Fides hosti data est servanda.*

V.

*Jus naturæ est immutabile.*

VI. Da-



V I.

*Dolus dans causam contractui bonæ fidei eum reddit ipso jure nullum.*

V I I.

*Duo testes omni exceptione majores plenam fidem faciunt.*

V I I I.

*Affirmanti regulariter incumbit probatio.*

I X.

*Probatio fit aut per testes aut per instrumenta.*

F I N I S.



Deus datus est cuius contritus cor  
deum reddat ipso iure nullum.

V I I

Quo testis cum exceptione inposita  
non fidem faciat.

V I I I

Apparenti regulariter incumbit pro-  
batio.

I X

Probatum sit aut per testes aut per in-  
strumenta.

F I N I S











